

Višća



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN:BA39+1020500000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: 1-21419-1/2020
Datum: 30.12.2020.godine
Mjesto: Sarajevo

Na osnovu člana 70., a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: GD-62-1/20 od 29.12.2020. godine, Predsjednik Uprave – Generalni direktor d o n o s i:

ODLUKU

o izboru najpovoljnijeg ponuđača

Lot-1: Maziva ulja i srodni industrijski proizvodi za šinska vozila

I

Ugovor za javnu nabavku roba - Lot-1: Maziva ulja i srodni industrijski proizvodi za šinska vozila, za potrebe JP ŽFBiH d.o.o. Sarajevo, dodjeljuje se ponuđaču "SMAL KOMERC" d.o.o. Sarajevo, u ukupnom iznosu od 351.279,00 KM (bez PDV-a), odnosno 410.996,43 KM (sa PDV-om), po provedenom otvorenom postupku javne nabavke, tender broj: GD-62/20.

II

Za realizaciju ove Odluke zadužuje se Sektor za nabavke i prodaju.

III

Ova Odluka stupa na snagu danom donošenja.

O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: 1-18676-1/2020 od 11.11.2020. godine odobrio pokretanje otvorenog postupka javne nabavke roba – maziva ulja i masti za potrebe JP ŽFBiH d.o.o. Sarajevo, tender broj: GD-62/20, podijeljen na lotove:

Lot-1: Maziva ulja i srodni industrijski proizvodi za šinska vozila,

Lot-2: Mazive masti za šinska vozila.

Obavještenje o nabavci je objavljeno na portalu javnih nabavki dana 27.11.2020. godine pod brojem: 1050-1-1-334-3-117/20. Sažetak obavještenja o nabavci je objavljen u "Sl. glasniku BiH", broj:78/2020 od 04.12.2020. godine.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Rješenjem Predsjednika Uprave - Generalnog direktora, broj: 1-18716-1/2020 od 11.11.2020. godine godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Sehvedin Višća – predsjednik, Mirza Zildžović – član, Mirsaleh Lika – član, Bajra Čaušević – član i Jasmina Mešanović - Ridić.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 22.12.2020. godine u 12:00 sati, izvršila javno otvaranje ponuda. Do roka određenog za prijem ponuda, dostavljene su 2 (dvije) ponude za LOT-1, i to:

Ponuda ponuđača **"SMAL KOMERC" d.o.o. Sarajevo** koji je ponudio za

Lot-1: Maziva ulja i srodni industrijski proizvodi za šinska vozila:

- Cijena: 351.279,00 KM bez PDV-a, odnosno 410.996,43 KM sa PDV-om,
- Uslovi i način plaćanja: 40 dana nakon ispostavljene fakture,
- Rok isporuke: 6 dana od prijema narudžbe.

Ponuda ponuđača **"BIOL" d.o.o. Konjic**, koji je ponudio za

Lot-1: Maziva ulja i srodni industrijski proizvodi za šinska vozila:

- Cijena: 335.536,65 KM bez PDV-a, odnosno 392.577,88 KM sa PDV-om,
- Uslovi i način plaćanja: 60 dana od isporuke,
- Rok isporuke: 3 dana od narudžbe.

Komisija je izvršila pregled i ocjenu ponuda, te utvrdila sljedeće:

Ponuda ponuđača **"SMAL KOMERC" d.o.o. Sarajevo** za Lot-1 je ocijenjena prihvatljivom, jer ponuda ispunjava sve uslove koji se traže tenderskom dokumentacijom i u istoj je dostavljena sva tražena dokumentacija.

Ponuda ponuđača **"BIOL" d.o.o. Konjic** za Lot-1 je ocijenjena neprihvatljivom, te se ista odbacuje iz sljedećih razloga:

1. Tačkom 13.9. d) tenderske dokumentacije je propisano: „Dostaviti važeće ovlaštenje u formi potvrde, potpisane i opečaćene od strane izdatelja (original ili ovjerena kopija) ili ugovora (ovjerena kopija) da je ponuđač ovlašten zastupnik proizvođača roba koje su predmet nabavke“.

Ponuđač je na strani 51. Ponude dostavio autorizacijsko pismo od HOLD INA d.o.o. Sarajevo, za ulje: INA Lokomol HS 40 i na strani 52. Ponude dostavio autorizacijsko pismo od HOLD INA d.o.o. Sarajevo za ulja: INA Fluid BL, KOMPRINA 100, 150 i LOKOMOL HS 40, što nije u skladu sa traženim uvjetima tenderske dokumentacije, jer nema dokaza u ponudi da je HOLD INA d.o.o. Sarajevo proizvođač roba koje su predmet nabavke ili ovlašten zastupnik proizvođača.

2. Tačkom 13.9 je propisano da: „U svrhu dokazivanja uslova iz tačke 13.8. dostavljanjem relevantnih dokaza u skladu sa članom 49. Zakona ponuđač je dužan uz ponudu dostaviti originale ili ovjerene kopije dokumenata od strane nadležne institucije (notara, organ uprave i dr.) kojom se potvrđuje identičnost originala i kopije:“ a tačkom 13.9. pod e) je traženo da: „U tenderskoj dokumentaciji za LOT-1- Tehničkoj specifikaciji za poziciju 1. dostaviti važeće odobrenje (Approvals) za ponudno motorno ulje od ovlaštenih mjerodavnih instituta za te namjene, za GM-EMD željezničke dizel motore sa datumom i brojem kontrolne revizije. Dostavljeni dokument treba da sadrži broj protokola izdatog odobrenja, logo i adresa izdavaoca,

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

logo i adresa nalogodavca proizvođača (primaoca) ispitivanog uzorka motornog ulja, datum izdavanja, kod/šifra ispitivanog uzorka motornog ulja, šifru specijalnog paketa aditiva u ispitivanom ulju, vrijednost TBN/metoda ispitivanja, potpis odgovornog tehničkog lica primaoca i izdavaoca odobrenja “.

Ponuđač je na strani 54. ponude dostavio kopiju traženog dokumenta na engleskom jeziku koju je preveo od strane stalnog sudskog tumača, a što nije u skladu sa uslovima propisanim tenderskom dokumentacijom obzirom da je propisano da dokument mora biti: *original ili ovjerena kopija* dokumenata od strane nadležne institucije (notara, organ uprave i dr.), kojom se potvrđuje identičnost originala i kopije.

Cijeneći gore navedeno, Komisija u skladu sa članom 18. stav 3) Pravilnika o javnoj nabavci roba, usluga i radova u posebnim okolnostima, broj: NO-24771-1-6./2017 od 23.11.2017. godine i članom 2. Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima, broj: NO-25507-1-4./2017 od 07.12.2017. godine, daje p r e p o r u k u Predsjedniku Uprave - Generalnom direktoru za donošenje Odluke o izboru najpovoljnijeg ponuđača kojom se Ugovor za javnu nabavku roba za Lot-1: Maziva ulja i srodni industrijski proizvodi za šinska vozila, dodjeljuje ponuđaču "SMAL KOMERC" d.o.o. Sarajevo u ukupnom iznosu od 351.279,00 KM bez PDV-a, odnosno 410.996,43 KM sa PDV-om.

Ugovor za Lot-1 se dodjeljuje na osnovu člana 64. stav (1) pod a) Zakona o javnim nabavkama ("Službeni glasnik BiH" broj: 39/14), tj. kriterija ekonomski najpovoljnija ponuda.

Predsjednik Uprave – Generalni direktor je prihvatio preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Željeznički operator,
- Željeznička infrastruktura,
- Sektor za nabavke i prodaju,
- Sektor plana, analize i raspoređivanja prihoda,
- Ponuđačima/x2,
- a/a.

Predsjednik Uprave – Generalni direktor
Emir Džafić, mr.ecc.

